

Broj: 02-33-0601/23
Sarajevo, 06.02.2023.godine

ZASTUPNIČKI DOM
PARLAMENTA FEDERACIJE BIH
n/p Tajnika

ZASTUPNIČKI DOM
PARLAMENTA FEDERACIJE BIH
N/p Gosp. Admir Čavalić, zastupnik

VLADA FEDERACIJE BIH
n/p Tajnika

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 10-02-2023			
Org. jed.	Broj	Priloga	Vrijednost
05/11	-02-	7	123

PREDMET: Odgovor na zastupničko pitanje – dostavlja se

Veza: Akt Tajnika Vlade Federacije BiH broj: 03-04-96/23 od
30.01.2023. godine

Poštovana/i,

Federalno ministarstvo zdravstva zaprimilo je akt Tajnika Vlade Federacije Bosne i Hercegovine broj: 03-04-96/23 od 30.01.2023. godine, sa zastupničkim pitanjem na koje se traži odgovor. Naime, uvaženi Admir Čavalić zastupnik u Zastupničkom domu Parlamenta Federacije, postavio je zastupničko pitanje iz oblasti zdravstva. S tim u svezi, u privitku akta dostavljamo Vam odgovor Federalnog ministarstva zdravstva.

S poštovanjem,

po ovlaštenju Vlade FBiH
POMOĆNIK MINISTRA

Prim.dr. Marina Bera



PRIVITAK:
- Kao u tekstu

**ODGOVOR
NA ZASTUPNIČKO PITANJE ADMIR ČAVALIĆ
ZASTUPNIK U ZASTUPNIČKOM DOMU
PARLAMENTA FEDERACIJE BOSNE I HERCEGOVINE**

Sarajevo, veljača 2023. godine

I

Admir Čavalić, zastupnik u Zastupničkom domu Parlamenta Federacije Bosne i Hercegovine, je dana 25.01.2023. godine na 1. redovitoj sjednici Zastupničkog doma Parlamenta Federacije BiH, postavio zastupničko pitanje, kako slijedi:

„Koliko tačno ili shodno procjeni postoji lica u FBiH koji nisu osiguranici/korisnici zdravstvenog osiguranja tj. nemaju zdravstveno osiguranje?“

II

Na postavljeno zastupničko pitanje Federalno ministarstvo zdravstva daje sljedeći

ODGOVOR

Suglasno odredbama Zakona o zdravstvenom osiguranju ("Službene novine Federacije BiH" br. 30/97, 07/02, 70/08, 48/11, 36/18 i 61/22) i odredbama Pravilnika o obračunu sredstava u zdravstvu ("Službene novine Federacije BiH" br. 26/03 i 43/04), Zavod zdravstvenog osiguranja i reosiguranja Federacije BiH (u daljem tekstu: Federalni zavod osiguranja i reosiguranja) izradio je Obračun sredstava u zdravstvu u Federaciji Bosne i Hercegovine za 2021. godinu (u daljem tekstu: Obračun sredstava u zdravstvu koji se sačinjava od 2002. godine).

U Obračunu sredstava u zdravstvu iskazani su konsolidirani podaci o ukupno ostvarenim i utrošenim sredstvima u zdravstvenom sektoru Federacije Bosne i Hercegovine u 2021. godini sa usporednim podacima za 2020. godinu.

Konsolidirani obračun sredstava u zdravstvu za nivo Federacije Bosne i Hercegovine je urađen na osnovu obračuna sredstava u zdravstvu kantona u Federaciji Bosne i Hercegovine, te obračuna sredstava za Federalni zavod osiguranja i reosiguranja i federalnih zdravstvenih ustanova javno-zdravstvene djelatnosti. Obračune sredstava u zdravstvu na nivou kantona izradili su kantonalni zavodi zdravstvenog osiguranja. Federalni zavod osiguranja i reosiguranja, prije izrade konsolidiranog obračuna za nivo Federacije Bosne i Hercegovine, vrši računsku kontrolu i provjeru podataka iskazanih u konsolidiranim obračunima za nivo kantona na osnovu uvida u izvorne podatke koje dostavljaju zdravstvene ustanove, a u slučaju uočenih pogreški ili nelogičnosti u iskazanim podacima, vrši ispravku kako bi se osigurali tačni i pouzdani podaci koji se iskazuju u konsolidiranom obračunu za nivo Federacije Bosne i Hercegovine. O izvršenoj ispravci obavještava kantonalne zavode zdravstvenog osiguranja radi usklađivanja podataka.

Dakle, po osnovu tačnih prikupljenih podataka u Obračunu sredstava u zdravstvu, zdravstvenim osiguranjem na nivou Federacije Bosne i Hercegovine u 2021. godini obuhvaćeno je 86,91% stanovništva, što je povećanje za 0,04% u odnosu na 2020. godinu, nastalo zbog smanjenja broja osiguranih lica za 13.151 i smanjenja broja stanovnika za 16.078. Dakle, iz navedenog proizlazi da je u 2021. godini u Federaciji Bosne i Hercegovine bilo 13,09% zdravstveno neosiguranih lica.

U 2021. godini u Federaciji Bosne i Hercegovine registrirano je ukupno 1.884.729 osiguranih lica, od čega 1.303.992 osiguranika (nosilaca osiguranja) ili 69,19%, a članova porodica osiguranika 580.737 ili 30,81%.

Broj osiguranih lica u 2021. godini je u odnosu na 2020. godinu smanjen za 0,69% ili 13.151 osiguranih lica, od čega je povećan broj nosioca osiguranja za 2.632 ili 0,2%, a broj članova porodica osiguranika pokrivenih zdravstvenim osiguranjem smanjen je za 15.783 ili 2,6%.

Struktura osiguranika prema kategorijama osiguranja izmijenjena je u različitim omjerima u odnosu na 2020. godinu.

Promatrano po kategorijama osiguranika, u 2021. u odnosu na 2020. godinu povećan je broj osiguranika u kategorijama zaposlenih kod poslodavaca za 2,3% ili njih 11.981, penzionera za 1,4% ili njih 6.157, i ostalih osiguranika za 48,9% ili njih 6.836.

Smanjenje broja osiguranika u 2021. u odnosu na 2020. godinu bilježi se kod poljoprivrednika za 13,6% ili njih 607, kod nezaposlenih za 6,23% ili njih 14.449, invalida i civilnih žrtava rata za 13,2% ili njih 5.797, ino osiguranika za 3,6% ili njih 1.186, i lica koja sama plaćaju doprinos za 7,7% ili njih 303.

Prema evidencijama kantonalnih zavoda zdravstvenog osiguranja, broj zaposlenih kod poslodavaca prijavljenih na zdravstveno osiguranje u 2021. u odnosu na 2020. godinu u Federaciji Bosne i Hercegovine povećan je za 11.981 zaposlenih ili 2,3%.

Značajno smanjenje epidemije virusa korona u Federaciji Bosne i Hercegovine, a samim tim smanjenje i ukidanje epidemioloških mjera u Federaciji Bosne i Hercegovine u 2021. godini, dovelo je do povećanja zaposlenosti i, generalno, do povećanja privrednih aktivnosti u Federaciji Bosne i Hercegovine promatrano u odnosu na 2020. godinu.

S aspekta osiguranja prihoda od doprinosa za obvezno zdravstveno osiguranje izuzetno je važno istaći da ova kategorija osiguranika osigurava 95,44% ukupno ostvarenih sredstava od doprinosa, a sve ostale kategorije osiguranika učestvuju tek sa 4,56%. S obzirom na to da u ukupnom broju osiguranika, osiguranici zaposleni kod poslodavaca učestvuju sa 41,66%, može se zaključiti da zaposleni kod poslodavaca osiguravaju najvećim dijelom sredstva za zdravstvenu zaštitu i svih ostalih kategorija osiguranika.

Povećanje broja osiguranika u kategoriji penzionera nije se značajnije odrazilo na povećanje prihoda od doprinosa za ove kategorije.